

Халқ сўзи

2022 йил — ИНСОН ҚАДРИНИ УЛУҒЛАШ ВА ФАОЛ МАҲАЛЛА ЙИЛИ

1991 йил 1 январдан чиқа бошлаган

WWW.XS.UZ

E-mail: Info@xs.uz

2022 йил 11 октябрь, № 220 (8282)

Сешанба

Сайтимизга ўтиш учун QR-кодни телефонингиз орқали сканер қилинг.



ПРЕЗИДЕНТ ДЗЮДО БЎЙИЧА ЖАҲОН ЧЕМПИОНАТИ БАҲСЛАРИНИ КУЗАТДИ

Президент Шавкат Мирзиёев 10 октябрь куни “Nuno Arena” спорт саройига ташриф буюриб, дзюдо бўйича жаҳон чемпионати беллашувларини томоша қилди.



Маълумки, бу нуфузи бўйича Олимпия ўйинларидан кейинги ўринда турадиган муҳим мусобақадир. Юртимизда биринчи марта ўтаётган мазкур чемпионатда 82 та мамлакатдан 571 нафар дзюдочилар иштирок этмоқда. Ўзбекистон миллий терма жамоаси сафида 18 нафар йигит-қиз курашмоқда.

Давлатимиз раҳбари эркаклар ўртасида 90 килограммгача бўлган вазн тоифасидаги финал беллашувини кузатди. Қизгин ва тенг курашлар остида ўтган баҳсда юрдошимиз Давлат Бобонов италиялик рақиб Кристиан Парлатини енгиб, олтин медални қўлга киритди. Бу мамлакатимиз дзюдоси тарихида яна бир катта муваффақият бўлди.

Фолиб Давлат Бобонов (олтин) ва совриндорлар Кристиан Парлати (кумуш), грузиялик Лаша Бекаури ва Лука Майсарадзега (бронза) медалларни Президент Шавкат Мирзиёев топширди.

Мусобақанинг кейинги кунларида яна тўрт нафар спортчимиз гиламга чиқади. Жаҳон чемпионати 13 октябрь куни якунланади.

Ў.А.

Ўзбекистон Республикаси Президенти Матбуот хизмати сурати.

ЭЛЕКТРОМОБИЛЛАР ИШЛАБ ЧИҚАРИШНИ ЙЎЛГА ҚЎЙИШ МАСАЛАЛАРИ МУҲОКАМА ҚИЛИНДИ

Президент Шавкат Мирзиёев 10 октябрь куни электромобиль тармоғини ривожлантириш ва хизмат кўрсатиш қамровини оширишга қаратилган лойиҳалар тақдими билан танишди.

Мамлакатимизнинг 2022 — 2026 йилларга мўлжалланган Тараққиёт стратегиясида “яшил иқтисодиёт”га ўтиш, жумладан, электромобиллар ишлаб чиқариш бўйича ҳам мақсадлар белгиланган. Шу йил 14 февралда ўтган йиғилишда давлатимиз раҳбари бу ҳақда аниқ кўрсатмалар берган эди.

Тақдимотда “Ўзавтосаноат” акциядорлик жамияти раҳбарлари бу борада хорижий компаниялар билан эришилган келишувлар, ўзлаштирилиши кутилаётган моделлар ҳақида ахборот берди. Электромобиллар ишлаб чиқаришни йўлга қўйиш, қувватлаш станциялари тармоғини кенгайтириш, бутловчи қисмларни маҳаллийлаштириш масалалари муҳокама қилинди.

— Электромобиллар кундалик ҳаётимизга жадал кириб борапти. Импорту осяпти. Нима учун? Чунки талаб бор. Бундай машиналарнинг харажати кам. Энг муҳими, одамларимиз шунга маъқул кўрапти. Шундай экан, халқимизга замонавий электромобиллар етказиб беришимиз керак, — деди Шавкат Мирзиёев.

Ҳақиқатан ҳам, электромобилларнинг юриш харажати оддий автомобилга нисбатан 10 баравар, табиатга зарари эса 3 баравар кам. Ривожланган мамлакатларда бундай транспортлардан фойдаланиш кўпаймоқда. Албатта, бунинг учун катта инфратузилма керак.

Масалан, дунёда ҳар 20 та электромобилга битта қувватлаш станцияси тўғри келади. Юртимизда эса бундай жойлар атиги 50 та бўлиб, асосан, Тошкент ва Самарқанд шаҳарларида жойлашган. Электромобилларга хизмат кўрсатиш марказлари йўқ.

— Ҳар бир қароримизда бир йиллик эмас, ўн йилликларни кўзлашимиз керак. Экологини ва келажақни инобатга олиб, бу тармоқни ҳозирдан ривожлантиришимиз зарур. Буни қанча тез қилсак, автомобиль бозо-

рида рақобат пайдо бўлади. Бошқа электромобиль компаниялари ҳам келади, — деди Президент.

Шу боис соҳада тажрибага эга хорижий компания билан қўшма корхона ташкил қилиб, оммабоп электромобиллар ишлаб чиқаришни йўлга қўйиш зарурлиги таъкидланди.

Давлатимиз раҳбари электромобилларнинг нархи арзон бўлиши кераклигига алоҳида эътибор қаратди. Бу эса бутловчи қисмларнинг маҳаллийлаштирилганига даражасига боғлиқ.

Мисол учун, электромобиль таннархнинг 30 фоизини аккумулятор, 10 фоизини электр ўтказкичлар ташкил қилади. Юртимиз заминидagi литий, мис, графит каби хомашё захира-ларидан фойдаланиб, бундай қисмларни бемалол ўзимизда ишлаб чиқариш мумкинлиги кўрсатиб ўтилди.

Шунингдек, маҳаллий электромобиль хари-ди учун олинган кредит фоизининг бир қисми қоплаб берилиши белгиланди.

Бугунги кунда Тошкент шаҳрида 20 та электробус ҳаракатланмоқда. Келгуси йилда пойтахтимизга яна 200 та, Самарқандга 100 та электробус олиб келиш режалаштирилган. Бундай транспортларни бошқа шаҳарларда ҳам йўлга қўйиш зарурлиги қайд этилди.

Электромобилларга хизмат кўрсатиш тар-моғини кенгайтириш масаласига ҳам тўхталиб ўтилди. Келгуси икки йилда жойларда икки минг-та қувватлаш станциялари ташкил этиш вази-фаси қўйилди. Бу станцияларга ҳам ер, мулк ва фойда солиғидан имтиёз қўлланилади. Тад-биркорларга қувватлаш станциялари орқали электрни эркин нархда сотиш ҳуқуқи берилди.

Бу тармоққа ихтисослашган мутахассислар тайёрлаш муҳимлиги ҳам таъкидланди. Турин политехника университетида электромобиллар бўйича илмий лаборатория ташкил этилиши, профессор-ўқитувчи ва мутахассислар Житой, Германия, АКШ, Жанубий Корея каби давлат-ларга малака оширишга юборилиши айтилди.

Ў.А.

Ўзбекистон Республикаси Президентининг ҚАРОРИ

ҚИШЛОҚ ХЎЖАЛИГИ МАҲСУЛОТЛАРИ ЕТИШТИРИШНИ МОЛИЯВИЙ ҚўЛЛАБ-ҚУВВАТЛАШНИНГ ҚўШИМЧА ЧОРА-ТАДБИРЛАРИ Тўғрисида

Ички бозорни озиқ-овқат маҳсулотлари билан барқарор таъминлаш, маҳсулот етиштиришни кўпайтириш ҳисобига аҳоли даромадини ошириш, шунингдек, қишлоқ хўжалиги маҳсулотлари етиштирувчиларни моддий ресурслар (хизматлар) билан узлуксиз таъминлаш ҳамда етиштирилган маҳсулотларни ка-фолатли харид қилиш мақсадида:

1. Қишлоқ хўжалиги вазирлиги, Молия вазирлиги ҳамда Боғдорчилик ва иссиқхона хўжалигини ривожлантириш агент-лигининг (кейинги ўринларда — Боғдорчилик агентлиги) мева-сабзавотчилик соҳасини давлат томонидан қўллаб-қувватлаш учун ажратилиши кўзда тутилган маблағлар ҳисобидан **Боғ-дорчилик ва иссиқхона хўжалигини ривожлантириш жамғармасига 12 ой муддатга, шу жумладан, 11 ойлик имтиёзли давр билан қўшимча 300 миллиард сўм бюджет сусудасини йиллик 10 фоиз ставкада ажратиш тўғрисидаги таклифи маъқуллансин.**

Молия вазирлигига қайтарилган маблағлар ҳисобидан йил давомида Боғдорчилик агентлигининг буюртманомалари асо-сида қўшимча бюджет сусудаси ажратиб борилишини таъмин-лаш вазифаси юклатилсин. Бунда ажратилган бюджет сусудаси бўйича қарздорликнинг жами суммаси **мазкур қарор доирасида 300 миллиард сўмдан ошиб кетмаслиги** кераклиги белгилаб қўйилсин.

2. Мазкур қарорнинг 1-бандида белгиланган маблағ-лар Боғдорчилик агентлиги томонидан тижорат бан-каларига ресурс сифатида йўналтирилган ҳолда, Боғ-дорчилик агентлигининг лойиҳа офислари раҳбарларининг ҳамда маҳаллада тадбиркорликни ривожлантириш, аҳоли бандлигини таъминлаш ва камбағалликни қисқартириш масалалари бўйи-ча туман (шаҳар) ҳокимлари ёрдамчиларининг тавсиясига кўра: **қишлоқ хўжалиги корхоналарига — мева, узум, кар-тошка, сабзавот, полиз экинлари, кўкатлар ва дори-вор ўсимликлар, дуккакли ва мойли экинлар** (кейинги ўринларда — қишлоқ хўжалиги экинлари) етиштиришга уруғ-лик, ўғит, ёқилғи, ўсимликларни ҳимоя қилиш воситалари ет-казиб бериш учун;

(Давоми 2-бетда).

САМАРҚАНД САММИТИ: КЕНГ ИМКОНИЯТЛАР ВА ЁРҚИН ИСТИҚБОЛ САРИ

Биз инсониятнинг технологик, илмий, сиёсий ва экологик ҳақатдан энг муҳим ривожланиш даврида турибмиз. Ҳукуматлар томонидан иқлим ўзгаришига қарши курашишдан тортиб, сунъий интеллект имкониятларидан фойдаланишгача бўлган соҳалардаги қарорлар келажақ авлодларга янги имкониятларни янада таъсир қилади.

Нуктаи назар

Келгуси мақсадларимизга эътибор қаратиш ва олдимизда турган янги ўзга-ришларни инобатга олган ҳолда йўналиш-ларимизни аниқлаб олиш ҳеч қачон бу қадар муҳим ва долзарб бўлмаган. Давлатлар ўртасида истиқболдаги умум-ий мақсадларни белгилаш, эришилган ютуқларни баҳам кўриш, ҳамкорликни йўлга қўйиш, муштарак қадриятлар ва им-кониятларга эътибор қаратиш бунчалик катта аҳамият касб этмаган.

Сўнгги йилларда Бирлашган Араб Амириклари билан Ўзбекистон Респуб-ликаси ўртасидаги кенг қамровли ва узоқ муддатли шериклик мутлақо янги босқич-га кўтарилди.

Президент Шавкат Мирзиёев раҳнамо-лигида бизга дўст ушбу мамлакатда олиб борилаётган қўламдор ва изчил ислохот-лар натижасида “Экономист” журнали Ўзбекистонни 2019 йилда “Йил мамлака-ти” деб эътироф этди. Инвестиция фаолиятини ривожлантириш ва ҳукумат-ни жадал модернизация қилиш орқали

таълим, соғлиқни сақлаш, инфратузилма каби муҳим тармоқларда эътиборга молик ютуқларга эришилмоқда.

Расмий Тошкентнинг 2022 йили “Ўзро узвий боғлиқликни мустақамлаш йили” деб эълон қилиши бутун дунёга ўрнат-бўлиши лозим. БАА ҳам, Ўзбекистон ҳам жаҳон давлатлари билан биргаликда янада кучли бўлишига ишонамиз.

Шанхай ҳамкорлик ташкилоти Давлат раҳбарлари кенгашининг Ўзбе-кистон раислигида қадимий Самарқанд шаҳрида ўтган саммити кенг минтақа-ларда интеграция ва инновацияларни рағбатлантирадиган янги жаҳон иқти-содиётини шакллантириш учун ноёб имкониятга эга.



ДУНЁНИ ЧИН СЎЗ ВА ДАДИЛ ҲАРАКАТЛАР ИШОНТИРА ОЛАДИ

3

Халқаро конференция олдидан

КЛАСТЕР ТИЗИМИ

озиқ-овқат хавфсизлигини таъминлашнинг асосий мезони

Маълумки, шу йилнинг 14-15 октябрь кунлари Самарқанд шаҳрида “Озиқ-овқат хавфсизлиги: глобал ва миллий муаммолар” мавзусида IV халқаро илмий-амалий анжуман бўлиб ўтади. Мазкур йирик тадбир Шароф Рашидов номидаги Самарқанд давлат университети томонидан БМТнинг Озиқ-овқат ва қишлоқ хўжалиги ташкилоти (FAO)нинг Ўзбекистондаги ваколатхонаси ҳамда Қурғоқчил ҳудудларда қишлоқ хўжалиги бўйича тадқиқотлар олиб боровчи халқаро марказ (ICARDA) билан ҳамкорликда ташкил этилмоқда.



